

Stanje u osnovnom i srednjem školstvu u Stocu

U svjetlu činjenice da nova školska godine počinje u ponedjeljak, OHR sa ozbiljnom zabrinutošću prati stanje u osnovnoj i srednjoj školi u Stocu.

Niti u jednoj od ovih škola nije službeno imenovan direktor. Niti u jednom slučaju nisu napravljeni odgovarajući aranžmani za djecu povratnika, kako bi oni pohađali nastavu u normalnim uslovima. Drugim riječima, uslovi za osnovce povratnike nisu se poboljšali u poređenju s prošlom školskom godinom. Učenici srednjih škola još uvijek nemaju pristupa prostorijama srednje škole.

Ministrica obrazovanja, kulture i nauke Hercegovačko-neretvanskog kantona, gđa Mirjana Dujmović, u pismenom je obliku jasno naložila vršiocima dužnosti direktora škola da osiguraju odgovarajuće uslove za sve učenike osnovnih i srednjih škola nastanjene u Stocu.

Stoga se OHR (Jug) nada i očekuje da će, čak i u ovoj zakašnjoj fazi, vlasti odgovorne za obrazovanje u Stocu, ispuniti obaveze koje im je propisala kantonalna ministrica Dujmović. Zajednički školovati djecu u BiH kako bi se nosili s izazovima njihove zajedničke budućnosti vitalni je dio napretka Bosne i Hercegovine na putu u Evropu.